



Tuhaqtitaujukhaq

Qilamik Tuhaqtitaujughaq

Anaqtautit kuviraqtauhimajut munaridjutait, ihivriurutit turaangajut ihuahijuumirutighaanun TBiiqtailiniq ilituqhainiqlu Nunavunmi

Iqaluit, Nunavut (Ubluqtuhirvia 16, 2024) – Ilituqhaidjuti ihivriurutit havaktuliqtut Iqalungni qiniqhiajaamingni anaqtautit kurviraviini munaridjutit ikajuutighaq iliturijaangani hiamitiqtailinirmunlu tiibiiniq (TB) Nunavunmi.

Talimani ukiuni ihivriurutit turaangajut havaklugit nakuunikkut TBiirut anaqtautit kuvirarviini Nunaaani Iqaluit naunajiangani qilamik ilituriniq TBiirup halumailrua anaqtautit kuvirarviini pipkainiaqtuq qilamik inungnun aanniaqtailinirmun aanniarutiniktailidjutit mamihariangani aanniarut ikiklijuumiqlugulug hiamitirnira.

Una ihariurut pidjutiqaqtuq tadjamin TBiirnirmun pinahuarutinun Nunavunmi, ilaliuttihimajuq qanurinia TBiirnirmun ilituqhaidjutit havauhiit imaatun uviningnik uuktuutit, kalangnik uuktuutit,hatqarmun iksuliirutillu. Taimaali hapkua havauhiit aulahimaaqtumik nakuunirhaujut naunajiangani TBiiniq, nutaaq naunajaut turaangajuq havagiangani aalat ilaujut qilamik ilituqhaidjutit hapkununga atuqtaujuun hanaqidjutinun.

Ihvriurutit hivuliqhuqtaujuut hapkununga Ottawaap Aanniaviani, una Ilihaqvikujuanga Ottawaap, Ilihaqvikujuanga British Columbia havaqatigiillu hamani Nunavut Tunngavik Inc. (NTI), ataani maligahat hapkua kitut TBkut Hivumuuqtitinikkut Katimajit. Taima TBiiniq iliturijajuq 2011mi talvanga Ottawaap Aanniaviata Hivumuuqmiqmun Katimajini, NTI ukualu Kavamatkut Nunavunmi (GN) Havagiva Aanniaqtailinirmun havagiangani ihivriurutit ihuaqhijuumirnimun aanniarutiniktailiniq, ilituriniq mamihainiqlu TBiirnirmun Nunavunmi.

Ihvriurutit maniliqtuqtaujuut haffumanga \$3 milliontaala aituut hapkununga Canadian Institutes of Health Research (CIHR), unalu \$500,000 from NTIkunin.

Havaqatigiingnikkut qitqani paqitijut havaqatitik, ukualu University of Ottawami, Nunaani Iqaluit ukualu Uquutaq Katimajit, aghuungnaqtuq nakuuniqhaanun haffuma ihivriurutip.

Una Taima TiiBiinirmun ihivriurut katimapkainiaqtut inungnun hulidjutinun Iqalungni hamanga Ubluqtuhivia 16min 18mun, 2024mi. Maliklugit Kavamatkut Nunavunmi ukualu havaqatigiit inungnun tuhaqtidjutinun naunaijautinun.

Naunaijatarumaguvin kangiqhidjutinun TBiinirmun, aulahimaaqtut ihivriurutinun aghuurutit, unalu Taima TB imitative, takulugu <https://taimatb.tunngavik.com>.

Uqaqtait:

"Ihuaqtumik munarittaaruptigut TBiiniq aktilaanga anaqtautit kuvirarviini Nunavunmi, ikajuutauniaqtuq turaangajaaptingni ihivriurutinun aghuurutit humi ihariagijauluaqtut. Anaqtautit kuvirarviini munaridjutit pidjutiqaniaqtut aghuungnaqtunik havaaghanik aanniarutairiangani TBiiniq Nunavunmi, unalu ihivriurut taniklijuumirutijuq tapkununga tikinahuarutinun."

*Dr. Gonzalo Alvarez
Hivuliqhuqtuq ihivriuqti haffumunga Taima TB
TBiinirmun qaujiahaijit Kavamatkut Nunavunmi
Taakti unalu nalunaqtuliqiji uvani Ottawaap Aanniaqviani
Ilaujuq ajuitiaqhimaajuq uvani Ilihaqvikujuangani Ottawa*

"Kihimi ihuangitumik aktilaanga TBiiniq paqitaujuq Inuinnarni, aghuungnaqtuq atuqlugit tamaita ikajuutit nutqaqtiniaqtaqqut hiamitirnira nutqaqtilugulu TBiiniq Nunavunmi. NTI, havaqatigiblugit ukua GNkut Havagviit Aanniaqtailinirmun, nakuujumik iniqitqait mnunallaami-tamaani ihivriurutit TBiinirmun Pngnirtuumi uvani ukiaghani. Pinahuarutit imaatun aulahimaaqlugit pijaghat, kihimi, paqitigupta ihuaqtunik qanuriniurutighat ilituqhainirmun TBiiniq Nunavunmi nunallaani, nakuutiqgut upalungaijaqniaqtugut hivuniptingni hiamitirnirini, pidjutiginiaqtaqqut nutqaqtiniranun TBiiniq Inuinnait inugianginirni."

*Aluki Kotierk
Angjuqqaangat Nunavut Tunngavik Inc.*

"Una naunaijaut anginirhaq atugahaq hivumut mighaanun ukualu ihuaqtumik aanniaqtailinirmun hanaqidjutit, tautuktilugit aghuurutivut munaridjutinun aanniaqtailinirmun Nunavunmiunun.. Niriuktugut tapkua qanuriniit haffuma ihivriurutip pidjutauniaqtavut ilaliutihimajunik qanuriniit TBiinirmun hatumiarutit hivumuuqtilugulu qanuriniit mighaanun nutqaqtiniranun TBiiniq Nunavunmi."

*Maligaliuqti John Main, Minista Aanniaqtailinirmut
Kavamatkut Nunavunmi*

"Tiibiiniq attauhiq anginiqhaq aaniaqtailinikkut ajuqhaut atuqtaujuq Inuit tamaini Nunavunmi. Nunaqaruvin Nunavunmi, aanniarutiningniaqtutit TBmik. Una ihivriurut aghuungnaqtuq qanuriniurut munarijaangani TBiinirup hiamitiqrutaa; unalu nunaa Iqaluit quviahuktut havaqataugamik haffumunga anaqtautit kuviraviini munarinirmun havaaghat."

*Soloman Awa
Miija Iqalungni*

"Niriuktugut atuqlugit nakuuniit aniqhaaktangnikkut aanniarutit anaqtautit kuviraarviini naunaijautit avatiini nunaquap TBiinirmun, unalluaq TBiinir anaqtautit kuvirarviini naunaijautit Nunavunmi. Niriugutigijavut havakluta nalunaqtuliqinikkut pijariaqaqtut Iqalungni anaqtautit kuvirarviini iliturijaaptingni TBiinirmun hiamitirniaqtuq nunallaami taimaali nutqaqtitaami."

*Dr. Robert Delatolla & Dr. Jim Sun
Ilihaqvikjuangani Ottawa, una Ilihaqvikjuanga British Columbia*

"CIHRkut ikaujuqtait aularutaa Taimaa TB uvani 2011mi, quviahuktugut maniliqtuqlugu una nutaaq anaqtautit kuvirarviini naunaijautit. Kinguani nakuunikkut naunaijaidjutikkut qalagjuannirmun COVID-19 aanniarut anaqtautit kuvirarviini, una Taima TB ihivriurutinun havaqatigiit atuliqtait aadjikutaa havauhia naunaijariangani TBiiniq. Una nakuuqpiaqtuq atugahaq mighaanun nutqaqtiniranun TBiiniq Inuiit nunaaani."

*Catherine Macleod
Angijuqaangullaktuq, Canadian Institutes of Health Research*

###

Tuhaqtipkainikkut Uqarvigijaghaq:

Jennifer Ganton
Aulapkaiji Tuhaqtipkaijini
Ottawa Hospital Research Institute
613-614-5253
jqanton@ohri.ca

Kevin Kablutsiak
Aulapkaiji Tuhaqtipkaijini
Nunavut Tunngavik Inc.
867-975-4900
media@tunngavik.com

Danarae Sommerville
Atan'ngujauullaktuq Tuhaqtipkaijini
Munarhiliqijitkut
867-975-5949
dsommerville1@gov.nu.ca